

Headlines

- प्रधानमंत्री नरेंद्र मोदी होरें ब्राजील च जी-20 शिखर सम्मेलन दौरान ग्लोबल साउथ दिएं समस्याएं गी उजागर कीता ते दुनिया च चला रदे तनाजे कारण खुराक, ईंधन ते रसैनी हैलें दी सप्लाई पर पौने आहले असर बक्खी ध्यान देने लेई आखेआ।
- केंद्री मंत्री मनोहर लाल होरें आखेआ ऐ जे प्रधानमंत्री शैहरी आवास योजना दे दुए गेड़ च हर परौआर दे सिरै पर पक्के छत दा सुखना मूर्त रूप लेई लैग।
- गृह मंत्री अमित शाह होरें आखेआ ऐ जे मुल्खै दे तनाजे आहले इलाके च हिंसा गी घट्ट करने च बड़ी हद तगर कामयाबी हासल कीती गई ऐ।
- जल शक्ति मंत्री जावेद अहमद राणा होरें जम्मू प्रांतै च पानी सप्लाई दी स्थिति दा जायजा लैता। गैर कनूनी तौरा पर लाए गेदे हैंडपंपें दे मामले च जांच दा हुक्म जारी कीता।

<><><><><><>

PM-G20 Address

प्रधानमंत्री नरेंद्र मोदी होरें ब्राजील दे रियो डे जनेरियो च जी-20 शिखर सम्मेलन गी संबोधित कीता। प्रधानमंत्री होरें अल्प विकसित ते विकासशील देशें यानि ग्लोबल साउथ दिएं दिक्कतें जरूरतें गी उजागर कीता। उनें वैश्विक संघर्षें दा खाद्य, ईंधन ते रसैनी हैल आपूर्ति पर पौने आहले माड़े असर दा जिक्र करदे होई ग्लोबल साउथ दे देशें दी चुनौतियें गी प्राथमिकता देने दी अपील जी-20 दे मिम्बर मुल्खें अगगे कीती। भुखमरी ते गरीबी दे खलाफ लड़ाई ते सामाजिक समावेश पर आयोजित सत्र गी संबोधित करदे होई श्री मोदी होरें वैश्विक साउथ दे देशें पर पौने आहले माड़े असर बारै बी गल्ल कीती। प्रधानमंत्री मोदी होरें भारत दी जी-20 अध्यक्षता दौरान लैते गेदे आम जनता केंद्रित फैसलें गी अगगे बदाने लेई ब्राजील दी सराहना कीती। उनें भारत दे जी-20 विषय इक धरती इक परौआर इक भविक्ख दी टिकाऊ होने दी प्रासांगिकता दी बी पुष्टि कीती। मोदी होरें समावेशी वैश्विक शासन सुधारें दा आह्वान कीता। एहू शिखर सम्मेलन 80 राष्ट्रें दे समर्थन कन्नै गरीबी ते भुखमरी थमां निब्बड़ने लेई वैश्विक गठबंधन दे शुभारम्भ दा

साक्षी बनेआ। भारत दी घरेलू उपलब्धियों दा जिक्र करदे होई मोदी होरें आखेआ जे पिछले दहाके च 25 करोड़ शा मते लोकें गी गरीबी थमां बाहर कड़ेआ गेआ। देश च 80 करोड़ नागरिकें गी मुफ्त अन्नदाना उपलब्ध कराया जा'रदा ऐ। 55 करोड़ नागरिकें गी विश्व दी सब्बनें शा बड़ी सौआस्थ बीमा योजना दा लाहू दित्ता गेआ ऐ। मोदी होरें अफ्रीका ते होरनें क्षेत्रें गी दित्ती जाने आहली सहायता सने वैश्विक खाद्य सुरक्षा च भारत दे योगदान गी बी उजागर कीता।

<><><><><><>

PM-Sagarmanthan

प्रधानमंत्री नरेंद्र मोदी होरें आखेआ जे स्वतंत्र, खुल्ले-डुल्ले ते सुरक्षित समुंद्री तंत्र लेई भारत दे नजरिये दी दुनिया भर च तरीफ होआ'रदी ऐ। मोदी होरें नमीं दिल्ली च सागरमंथन, the ocean's dialouge दे सफल आयोजन लेई बंदरगाह, जहाजरानी ते जलमार्ग मंत्रालय दे प्रयासें दी सराहना करदे होई एहू गल्ल आक्खी। उनें आखेआ जे सागरमंथन दी सफलता कन्नै मानवता दे समृद्ध भविष्य लेई आम सहमति बनाने च मदद थहोग।

<><><><><><>

PMAY-U2.O

घरें, कोठें ते शैहरी विकास सरंबंधी केंद्री मंत्री मनोहर लाल होरें आखेआ ऐ जे प्रधानमंत्री आवास योजना दे दुए गेड़ च हर परिवार दा सिरै पर पक्की छत दा सुखना पूरा होग। नमीं दिल्ली च प्रधानमंत्री शहरी आवास योजना सरंबंधी राश्ट्री कार्जशाला च उनें आखेआ जे इस स्कीम दे असर दे चलदे अर्थ बवस्था ते सरबंधत होरनें क्षेत्रें च कोई 3 करोड़ दे कोलकाल रोजगार दे मौके पैदा होए न। मनोहर लाल होरें आखेआ जे योजना दे दुए गेड़ दी असरदार अमलावरी ते जवाबदेह शासन कन्नै इस योजना दा लाहू धुर खीरै तोड़ी पुजाना मनासब होई सकोग। उनें आखेआ जे कम्मकाजी महिलाएं ते औद्योगिक श्रमिकें गी सस्ते कराएं पर रौहने लेई घर उपलब्ध करोआने लेई पैहली बारी इस योजना च इक बक्खरी बवस्था शुरू कीती गई ऐ। प्रधानमंत्री आवास योजना दे दुए गेड़ लेई 25 कोला मते राज्यें मंत्रालय कन्नै समझौते पर दस्तखत कीते न।

IFFI-Goa

55मां अंतरराष्ट्रीय भारतीय फिल्म महोत्सव IFFI कल्लै थमां गोवा च शुरू होने जा'रदा ऐ जेहडा 28 नवंबर तोड़ी जारी रौहग। इस बारै इक संवाददाता सम्मेलन च जानकारी दिंदे होई गोवा दे मुखमन्त्री डॉ. प्रमोद सांवत ते सूचना ते प्रसारण मंत्रालय दे गोवा दी मनोरंजन सोसायटी दे अधिकारिणं दस्सेया जे 9 दिनें तोड़ी चलने आहले इस महोत्सव च 81 मुखें दियां 180 अंतरराष्ट्रीय फिल्मां दस्सियां जाडन। महोत्सव आहली थाहै च इक्क थाहा दुई थाह जाने लेई गड्डिणं दी निर्विघ्न आओजाई गी यकीनी बनाने लेई मुफत् सेवा उपलब्ध कराई जाहग। इस फिल्म महोत्सव च ए.आर. रहमान, आर. माधवन, रकुलप्रीत सिंह ते पंकज कपूर सने केई फिल्मीं कलाकार ते होर केई बड्डियां हस्तियां शिरकत करंगन। इस बरे आस्ट्रेलिया गी फोकस मुख दे रूपै च चुनेआ गेआ ऐ।

<><><><><><>

All Party Meeting

संसद दे स्याले आहले इजलास कोला पैहले सरकारै इस म्हीने दी 24 तरीक गी सब्बनें पार्टिणं दी इक बैठक सद्दी ऐ। बैठका च सरकार इजलास दौरान लोकसभा ते राज्यसभा दी कार्रवाई रमानदारी ते बवस्था आहले ढंगै सिर चलाना यकीनी बनाने लेई सब्बनें सियासी पार्टिणं कोला सहयोग मंगोग। संसद दा स्याले आहला इजलास इस म्हीने दी 25 तरीक गी शुरू होइयै 20 दिसंबर तोड़ी चलोग।

<><><><><><>

IAF-Commanders Conference

भारतीय वायु सेना दे कमांडरें दा दऊं-दऊं बरें परैंत लग्गने आहला सम्मेलन जेहडा नमीं दिल्ली च चलै करदा ऐ, उसी अज्ज रक्षा मंत्री राजनाथ सिंह होरें संबोधित कीता। एहदे च इस मौके वायु सेना प्रमुख एयर चीफ मार्शल अमर प्रीत सिंह बी मजूद हे। सम्मेलन च भारतीय ब्हाई फौज दिणं कारवाइणं सरबन्धी त्थारिणं दी समीक्षा कीती जाग जेदे च उत्तरी सीमाणं पर स्याले दौरान होने आहले अभियानें पर चेचा ध्यान दित्ता जाग। इस सम्मेलन च ब्हाई फौज दे बड्डे

कमांडर वायु सेना दिएं छमताएं ते तयारिएं गी बधाने लेई रणनीतिक ते कार्ज योजनाएं पर चर्चा करै करदे न। एहू सम्मेलन कल सम्पन्न होई जाग।

<><><><><><>

UK-India FIA

बरतानिया दे प्रधानमंत्री कीर स्टारमर होरें औंदे बरे दे शुरू च भारत कन्नै मुक्त बपार समझौते दे बारै च गल्लबात परतियै शुरू करने दी घोषणा कीती ऐ। उनें ब्राजील च जी-20 शिखर सम्मेलन दे दौरान भारतीय प्रधानमंत्री नरेंद्र मोदी हुंदे कन्नै दपक्खी बैठक दे बाद एहू घोषणा कीती। उनें आखेआ जे भारत कन्नै इक नमां बपार समझौता इंग्लैंड च कम्म रोजगार दे मौके पैदा करने च मददगार साबत होग ते मुख्य भरै च विकास गी बढ़ावा देने च बी मती महत्वै आहली भूमिका निभाग। उंदे दफ्तरै आसेआ जारी इक बयान च आखेआ गेआ ऐ जे इंग्लैंड भारत कन्नै इक नमीं रणनीतिक सांझ भ्याली दी संभावनाएं गी तुप्पग जिंदे च इक बपार समझौता ते कन्नै गै सुरक्षा, शिक्षा, प्रौद्योगिकी ते जलवायु परिवर्तन जनेए केई क्षेत्रें च सहयोग गी मजबूत करना शामिल ऐ।

<><><><><><>

Shah-IPSC

केंद्री गृह मंत्री अमित शाह होरें गुजरात दे गांधी नगर च 50में अखिल भारतीय पुलस विज्ञान सम्मेलन दा उद्घाटन कीता। इस कार्यक्रम दा सरिस्ता पुलस अनुसंधान ते विकास ब्यूरो-BPRD ते राष्ट्रीय रक्षा शक्ति युनिवर्सिटी आसेआ सांझे तौरा पर कीता गेदा ऐ। उद्घाटन समारोह च गृह मंत्री होरें आखेआ जे भारत नै पिछले 50एं बरें च केई महत्वपूर्ण बदलाव दिक्खे न जिनें कुल संसारी गतिशीलता गी बी प्रभावित कीता ऐ। उनें आखेआ जे इनें बदलावें पुलस बल दी कार्जप्रणाली ते सरूप च बदलाव गी जरूरी बनाई दिता ऐ। अमित शाह होरें आखेआ जे पिछले इक दहाके च मुख्य नै संघर्ष प्रभावित ज्यादातर क्षेत्रें दी हिंसा च कमी आहन्ने च महत्वपूर्ण उपलब्धि हासल कीती ऐ। उनें आखेआ जे जम्मू-कश्मीर, पूर्वोत्तर ते नक्सल प्रभावित इलाकें समेत उग्रवाद प्रभावित क्षेत्रें दी हिंसा च 70 प्रतिशत गिरावट आई ऐ।

Rana-Jal Shakti

स्याले दी तैयारिएं ते जम्मू खित्ते च इस रूतै दौरान आले-दोआले दे इलाकें दे लोकें दा इत्त भेठा औने गितै जल शक्ति विभाग नै अपने अमले गी लोकें दी सेवा गितै तैयार रक्खेआ ऐ। एहू गल्ल जल शक्ति, जंगलात मंत्री जावेद अहमद राणा होरें कल जम्मू दे सिविल सचिवालय च इक जायजा बैठका च आक्खी। इस मौके मुख इंजीनियर हमेश मनचंदा होरें जानकारी दित्ती जे इस दौरान पानी दे म्यार गी बनाई रखने ते पानी दी बाददू जरूरतें गी बी ध्याना च रक्खेआ गेआ ऐ ते इत्त भेठा हीले कीते जा'रदे न। राणा होरें केई सारे इलाकें च बिजन मंजूरी दे हैंडपंप लाने आहलें दे बारे पुच्छ-गिच्छ करने दे बी निर्देश दित्ते ते किश खास कम्में मतल्लक बेजाबतगिएं लेई परतिये टेंडर जारी करने गितै निर्देश दित्ते।

<><><><><><>

Jal Shakti Campaign

केंद्री जल शक्ति मंत्रालय नै अज्ज विश्व शौचालय दिवस दे मौके पर “हमारा शौचालय दिवस” दे मौके पर “हमारा शौचालय, हमारा सम्मान” नां दे त्रै हफ्ते तगर चलने आहले इक अभियान दी शुरूआत कीती। इस अभियान दा मकसद सा सफाई दे बुनियादी ढांचे च सुधार, स्वच्छता बवहार च लोड़चदे बदलाव आहनने गी बढ़ावा देना ते मुल्ख भरै च शौचालयें दी कार्ज क्षमता ते रख-रखाव गी बधाइयै समुदायिक गौरव गी मजबूती देना ऐ। अभियान दे दौरान केई चाल्ली दिएं प्रतियोगिताएं दा सरिस्ता कीता जाग ते नागरिकें गी सोशल मीडिया प्लैटफार्म राएं अपनी स्वच्छता सफलता दिएं कहानिएं गी सांझा करने लेई प्रोत्साहन कीता जाग। इस अभियान दा समापन अगले महीने दी 10 तरीक गी होग जिसी मनुक्खी अधिकारें सरबंधी राश्ट्रीय ध्याड़े दे रूपै च मनाया जंदा ऐ।

<><><><><><>

GCOE Science Exhibition

सरकारी बी.एड कॉलेज जम्मू च अज्ज साइंस लैबोरेटरी च इक विज्ञान प्रदर्शनी दा आयोजन कीता गेआ। आकाशवाणी जम्मू संवाददाता दी खबर मूजब बी.एन ते एम.एड जमातें दे मते सारे विद्यार्थिं एं इस प्रदर्शनी च हिस्सा लैता। विद्यार्थिं बक्ख-बक्ख मॉडल प्रदर्शित कीते जेदे च सौर उर्जा शक्ति ते होरनें शामिल ऐ। इस मौके Innovation Cell of institute professor Sunanda Rani ते उंदे नै कालेज दियां प्रिंसीपल प्रोफेसर ज्योति परिहार होरें विद्यार्थिं आसेआ बनाए गेदे मॉडलें गी दिक्खेआ ते 3 बेहतर मॉडलें गी चुनेआ ते सब्बै विद्यार्थिं गी मुमारकबाद दिती।

<><><><><><>

Kumarswamy-EV

भारी उद्योग ते इस्पात मंत्री एच.डी कुमारस्वामी होरें आखेआ जे उर्जा सुरक्षित, स्वच्छ हवा ते अज्जै-कल्लै दे यातायात दे नजरिये दी टिकाऊ गतिशीलता प्रति सरकार बचने बज्झी दी ऐ। उनें आखेआ जे भारत इलेक्ट्रानिक वाहनें दे इस्तेमाल लेई कोशिशें जारी न। कुमारस्वामी होरें आखेआ जे सरकार समूलचे राष्ट्र च इलेक्ट्रानिक गड्डियें दा दा व्यापक पैमाने पर इस्तेमाल करने दी दिशा च अग्रे बदारदी ऐ। इस कन्नै 2070 तोड़ी सिफर कार्बन उत्सर्जन सरबन्धी देश या महत्वकांक्षा आह्ला लक्ष्य हासल करने च मदद थ्होग।

<><><><><><>

DG MS-Siachen

Director General of Medical Services (DGMS) (Army) Lieutenant General Sadhana S. Nair ते Senior Colonel Commandent of Army Medical Core Army Medical Army Core (AMC) होरें सियाचिन आधार शिविर ते अगेत्रे इलाकें दा दौरा लाया। उनें बलें नै गल्लकत्थ कीती ते उनें उत्थे मेडिकल सरबन्धी अभियान ते साजो-समेयान दा बी जायजा लैता।

<><><><><><>